



Guers Spirituel

Var an niver bian eus ar re salvet.
Vient

CAnomp ur Vers so composet
Var an nebeut a dud salvet,
Ma teui ar sonch a guementse
D'hon derc'hel e doujanç Doue.

A dra sur n'en deus den er bed
Na vezo salvet pe daonet ;
An Ifern pe ar Barados
A so er fin ouz o gortos.

Un eternite eus a c'hloar,
Pe un eternite a c'hlac'har
Hon deport goude ur vuez qer ber :
Greomp ervad endre hon eus amzer.

Estonet 'oun gant ar c'homzou
Eveus a JESUS, hon Autrou ;
Rac, ervez ma en deus disclêriet,
Ne vezo sur nemeur salvet.

Cetu penaus en Aviel
E comz ar Furras Eternel :
Calz a so, emezàn galvet,
Hoguen nebeut a so choaset.

Lavaret a ra deomp ivez
Enni eo bian dor ar vuez,



Hac henq an hent a gundu d'y ,
En er c'hef nebeut a hini.

Ret eo tec'hel diouz ar viçou ,
Ret eo pratiqa ar vertuziou ,
Miret oll Gourc'hemennou Doue ,
Ha re an Ilis santel ive.

Ret eo exerci gant carantez
An œuvrou eus a drugarez ,
Douguen ar Groas gant JESUS ,
Imita e vuez poanius.

Houman ê doctria hon Salver :
Celaou petra a lavar , pec'her ;
Ouzit e comz er fêçon-màn
Maleur da nep na sent outàn.

Nep na zoug qet e Groas guene ,
Ha na zeu qet var va lerc'h-me ,
N'en dê qet dign eus ac'hanon ,
Mont a ra e perdition.

Derc'hel mad da Zoue so ret ,
Hac e clénvet , hac e yec'het ,
Ha receo an adversite
Qer coulz hac ar brospérité.

Eus a gorf hac eus a speret
E rencomp beza pur bepret ,
Mar hon eus c'hoant da velet Doue
Faç-ous-faç da viçen en eê.

Ret e vemp douç , humbl a galon ,
Ha prest ato da rei pardon

D'ar re o deus hon offancet,
 Mar fel deomp beza pardonet.

Christenien, respontit bremân,
 Pet so hac a vev er guis-mân?
 Ha n'ellomp-ni qet ayoui
 Ez eo fácil o niveri.

Comparêsonou so er Scritur
 Hac a so terrubl a dra sur;
 Sclêr e veleur dre guementse
 An nebeut en em savete.

An nombr bian ar re salvet
 So gant Isai comparachet
 Ous ad nombr bian a bennou
 A chom goude an dram er parcou.

Hac ouz peder pe pemp froezen,
 A chom stard e blench ar vezen
 Goude ma e bet ar frouez biget,
 Pe goude ma int bet cutuillet.

Mes petra eo ar pennou se a lezer,
 E scoas ma zeo ar re a zramer?
 Petra eo ar frouez-se er vezen chomet
 E qenver ar re so couezet?

Ne de qet fablou an dra-mân,
 Comzou Doue a lavarân;
 Ar Sent o deus-y prezeguet
 Gant eston d'o auditoret

Pa edo Sant Bernard o vervel,
 E varvas un Hermit santel,

D'ar memes heur trêgont mil den
Eus ar vuez-màn a zeuas da dremen.

Ne oue digoret an Eêvou ,
Neuze nemet evito o daou ,
D'ar Purgator e oue casset
Tri da veza purifiet.

Ar rest eus an trêgont mil den
En Ifern a rancas disqen ,
Evit dont eternalamant ,
Da souffr eno pep seurt tourmant.

En ur sarmon da Bertoldus ,
E arruas un dra estonus ,
Subitamant e tecedas
Ur bec'heres dre glac'har bras.

Bertoldus hac an assamble
En em laqas da bedi Doue ,
Ha cetu-hi ressuscitet ,
Ma còvessaje e fec'het.

Mes estlamet ouent dreist pep-tra ,
Dezo pa lavaras houma ,
Ez oa ivez ganti maro
Tri ugent mil den pe var an dro.

Hac eus an tri ugent mil-se
A gomparissas dirac Doue ,
D'ar barados ne deus hini ,
D'ar Purgator voa caeet tri.

Mes stringet voe oll ar re-all
Da lesqui en tan infernal ;

Siouas calz a vezo collet,
Ha neubeut a vezo salvet.

Simon Stilit a lavare,
Hac an Abat Nil e c'houde,
Penaus ez e salvet a boan
Eus a zec mil ene unan.

Ha mar be salvet a boan gre,
An den just ha choaset gant Doue,
Ma ide, den impi ha pec'her,
Da guzet a faç da Varner?

Ar Sent, pa edont er bed-mâ
N'o deus paouezet o crena :
Ha gant aon na visent collet,
Pinigen vras o deveus grêt.

Pec'her ingrat ha didalve,
Piou a ro assurance dide?
Penaus ec'h elles-te beva
Qer joaüs ha ma zout bremâ?

Sin eo ez out abandonet,
Hac e fell dit beza daonet,
Ma na de touchet da ene
Gant qen lies a virione.

Me a seblant din e clevan,
E galon o comz er guis-màn :
Ne doun qet crouet gant Doue
Da veza daounet goude-se.

JESUS-CHRIST, leun a vadelez,
En devezo ouzin truez,

Ne souffro qet e ven collet,
Pa zoun qen qer dezàn coustet.

Tromplet out, pec'her miserabl,
Da gomzou a so detestabl;
Disesperì nicun na dle
Na qen nebeut presumi re.

Maro evit guir eo hor Salver,
Evit adprena ar pec'her;
Mes biqen salvet ne vezi,
Ma na gueres contribui.

Rac-se'ta sench da goal vuez
Pe renonç da silvidiguez,
D'ar Barados renonç a grenn,
Peautramant gra pinigen.

Evit guir, *JESUS* a bromet
E roi recompanç bras meurbet
D'ar re a imit e vuez,
Hac a vev en e garantez.

Mes, allas! piou eo ar re-se
A guers qen eon dirac Doue?
Ne gredàn qet e vez er bed-màn
Eveus a zec mil den unan.

Tout gant ar bed en em dallomp,
Hor c'hein da Zoue a zistroomp;
Ne zeus qet unan a guerse
Dirazàn evel ma tleffe.

Piou bennac e Doue na sonch qet,
Endra en deus bues ha yec'het,

Ar c'hlénvet hac en dremenvàn,
Ne sonch qet ennan e-unan.

Bue an darn vuia ar Gristenien
A so siouas qen disordrèn,
A veler aparanc ebet
E ve calz anezo salvet.

Ne glêvet nemet goal gomzou,
Leoudouet, goal bedennou,
Drouc prezec ha bavardiez,
Ne zeus nemet fallagries.

A boan e caffet den bremàn
Ma c'hallet franc fiziout ennan,
Ar vertus vras a garantès
A so dibaut en hon toues.

Nebeut so a zevotion,
Nebeut so a Religion,
Casi hep feiz hac hep Lesen
E vev calz eus a Gristenien.

Heuill fell dezo o liberte,
Pa ouffent beza daonet goude;
Rac-se ne doun qet estonet
Mar bez an darn-vuia collet.

Pa sonjån en Eternite,
Em eus truez ouz va ene :
Livirit din ar guir secret
E vit beza un deis salvet

Ne vezo qet me a gomzo,
Hon Salver e-unan a vezo :

Rac-se selaouomp e Setanç
Attantif ha gant reveranç.

Ouzit pec'her, eo e comzàn,
Da calon en em adressàn :
Sench a vuez, gra pinigen,
Pe ne vezi salvet biqen.

Ar maro peurvuia a vez
Hénvel meurbed ouz ar vuez,
Cundu eta ur vuez santel,
Mar fell did e stat vad mervel.

Ennes eo sur ar guir secret
Evit beza un deiz salvet,
Ha beza en nombr an eneou
A antreo ebars en eêvou.

Var an douar ne zeus hini
Na ell dont d'en em gonsoli,
E vezo gant Doue pardonet,
Ma car caout guir guez d'e bec'het.

Courach deoc'h eta, pec'herien,
Commancit da ober pinigen :
Nep e grai a so assuret
Da veza er Gloar curunet.

F I N.